

# Araneae Palaearcticae novae. Mygalomorphae. I.

(Cum 3 fig.)

Auctore Prof. Dr. S. Spassky.

## **Ischnothelē Strandī, n. sp.**

**F e m i n a.** Cephalothorax sat humilis, 6,2 mm. longus, 5,1 mm. latus, frōte 3,4 mm. latā, circiter in  $\frac{5}{7}$  longitudinis latissimus, antice late truncatus angulis mediocriter rotundatis, postice late emarginatus, impressionibus cephalicis et in parte thoracicā utrimque impressionibus radiantibus binis, vix expressis ornatus. Fovea media, fere in parte cephalothoracis latissimā sita, valde profunda, fere triangularis, apice anteriora versus directo.

Area oculorum 0,6 mm. longa, 1 mm. lata; oculorum anticorum margines antici lineam valde procurvam, margines postici lineam fere rectam designant. Oculi antici medii in tubere nigro sat alto, antice projecto, dispositi, subrotundi, nigri, diametro duplo fere minore quam diameter major oculorum lateralium; intervallum oculorum mediorum secundum exempla, quae in manibus habeo, non parum mutabilis; spatium, quo oculi medii a lateralibus anticis distant, diametro mediorum minus. Oculi laterales antici, reliquis maiores, oblongi, pallidi, a margine clypei ca.  $\frac{7}{10}$  diametri longioris remoti. — Oculorum series posterior anteriore parum longior, marginibus anticis lineam fere rectam, marginibus posticis lineam recurvam designantibus; oculi seriei huius angulati, pallidi; medii lateralibus minores, inter se circiter duplā diametro suā majore, a lateralibus posticis ca.  $\frac{1}{5}$  diametri majoris, ab anticis mediis et a lateralibus anticis ca.  $\frac{2}{5}$  diametri majoris distant. Oculi laterales postici a lateralibus anticis subter ca.  $\frac{1}{10}$  diametri majoris oculi lateralis antici remoti, intervallo hoc sursum gradatim dilatato.

Mandibulae desuper visae 2 mm. longae, basi conjunctim 2,2 mm. latae, dorso in longitudinem convexo, antice et supra pilis longis ornato, in areā dispositis fere triangulari, ad basim mandibulae gradatim angustatā; mandibulae latus exterius fere glabrum. Sulcus unguicularis in margine exteriore dense pilosus, in margine interior dentibus 8—9 armatus. — Labium paullo plus sescuplo latius quam longius, antice truncatum angulis rotundatis, basi coarctatā. Sternum 2,9 mm. longum, 2 mm. latum, pilis nigris erectis ornatum. Maxillae spinulis carentes, earum margo interior dense longe pilosus.

Palporum pars femoralis compressa, in latere interiore concava in longitudinem, in latere exteriore lineā glabram obliquā munita, subter longe pilosa; pars patellaris 0,8 mm. longa, paullo plus duplo longior quam latior; pars tibialis 0,9 mm. longa, insigniter longior quam latior, subter setis nonnullis aculeiformibus et praetera ad api-

cēm aculeis quatuor armata; pars tarsalis 1 mm. longa, desuper visa apicem versus aequabiliter angustata, utrimque, — praesertim infra, — aculeis nonnullis et praeterea subter aculeis in seriem longitudinem dispositis munita.

Femora I. et II. supra ad latus interius in dimidio apicali aculeo tenui 1., patella I. in latere interiore setis aculeiformibus 1. 1. et tibia I. ibidem setā aculeiformi 1. ornatae. Tibia I. et II. subter aculeis tenuibus et ad apicem aculeis tribus, metatarsus I. et II. subter aculeis in seriem irregularem dispositis, subter ad latus interius in dimidio apicali aculeis tribus et subter ad latus exterius aculeis irregulariter dispositis ornati; praeterea supra ad latus interius in dimidio apicali patella II. et metatarsus II. aculeis tribus et tibia II. aculeis duobus armatae. — Femora III. et IV. supra ad latus posticum in dimidio apicali aculeis 1. 1., femora IV. praeterea supra ad latus anticum in dimidio apicali aculeo 1. munita. Patellae III. antice aculeis 1. 2, postice 1, patellae IV. utrimque 1. 1.; tibiae III. et IV. utrimque 1. 1, supra 1. 1 et subter 1. 1. 3; metatarsi III. antice 2. 1. 1, postice 1. 1. 1. 1, supra 1. 1 et subter 2. 1. 2. 2; metatarsi IV. antice superius 1. 1. 1. 1, inferius 1. 1. 1. 1, postice 1. 1. 1. 1, supra 1. 1. et subter 2. 2. 2. ornati, Tarsi omnes subter aculeis armati brevibus in series tres longitudinales dispositis; tarsi III. et IV. praeterea supra ad latus anticum aculeis 1. 1 ornati. Haec pedum armatura insigniter mutabilis.




Fig. 1. *Ischnothelae Strandi* Spassky. Mamillae ab imo visae. Fig. 2. *Brachythele Birulai* Spassky. Palpus dexter maris a latere exteriore visus, aculeis omissis. Fig. 3. *Brachythele Redikorzevi* Spassky. Palpus dexter maris a latere exteriore visus, aculeis magnam partem omissis.

Abdomen 10 mm. longum, 6,9 mm. latum, 6,8 mm. altum. Mamillae (fig. 1) superiores 6,8 mm. longae, inter se spatio longitudini coxae IV. fere aequali remotae; articulus primus oblique truncatus et quam ob rem supra et intus solum distinctus; articulus secundus subter 2 mm. longus, 0,7 mm. latus, articulus tertius 1,6 mm. longus,

0,6 mm latus, articulus quartus 3 mm. longus, subannulatus, flexuosus, apicem versus aequabiliter attenuatus. Mamillae inferiores 1 mm. longae, in medio 0,35 mm. latae, inter se spatio longitudini earum, a mamillis superioribus spatio latitudini earum fere aequali remotae, in medio latissimae, ad apicem et ad basim angustatae, fere fusiformes, Tuberclum anale subsemicirculare.

Cephalothorax fulvus, maculis tribus marginalibus fuscis, parum expressis, ornatus; sternum fuscum; pedes et palpi fulvi; mandibulae fulvae ungue rubro; maxillae fulvae margine interiore lato albo; labium fuscum margine albo. Abdomen coccineum; mamiliae coccineae.

*Mas* ignotus. — *Patria*. Turkmenistan. Serachs, Agar-Tschishme. Feminas duas et tres juvenes 21. IV. 1936. sub lapidis L. Freiberg legit.

Speciem hanc in honorem clarissimi Doctoris E. Strand denominavi.

#### *Brachythele pontica* n. sp.

*Femina*. Cephalothorax 5,1 mm. longus, 4,5 mm. latus, a parte latissimā, circiter in  $\frac{3}{7}$  longitudinis sitā, anteriora versus aequabiliter angustatus, fronte 2,8 mm. latā, antice truncatus angulis rotundatis, postice late emarginatus, pilis nigris sat longis sparsim tectus, foveā mediā profundā, leviter recurvā, paullum pone partem latissimam, circiter in  $\frac{5}{14}$  longitudinis sitā, munitus. — Pars cephalica impressionibus cephalicis latis, sed non profundis limitata, leviter elevata, a foveā gradatim ascendens; pars thoracica sat humilis, utrimque impressionibus binis parum expressis notata.

Area oculorum fere tota nigra, 0,9 mm. lata, 0,4 mm. longa. Oculorum anticum margines antici lineam rectam, margines postici lineam recurvam designant. Oculi antici medii in tubere nigro dispositi, subrotundi, diametro fere sescuplo minore quam diameter major oculorum lateralium; intervallum oculorum mediorum diametro eorum aequale; spatium quo oculi medii a lateralibus anticus remoti diametro eorum minus. Oculi laterales antici reliquis insigniter maiores, oblongi, pallidi, oblique siti, a marginē clypei ca.  $\frac{7}{11}$  diametri majoris distant. Oculorum series posterior, anteriore paullum longior, recurva; oculi seriei posterioris fere aequales, pallidi; medii inter se tripla diametro suā, a lateralibus posticis ca.  $\frac{1}{6}$ , ab anticus medis et ab anticus lateralibus ca.  $\frac{2}{3}$  diametri suae distant. Intervallum minimum inter oculum lateralem anticū et lateralem posticū ca.  $\frac{1}{4}$  diametri majoris oculi lateralis antici aequale.

Mandibulae desuper visae 1,5 mm. longae, basi conjunctim 2,6 mm. latae, dorso in longitudinem fortiter convexo et pilis numerosis ornato. Sulci unguicularis margo exterior dense longe pilosus: sulci margo interior dentibus 9 armatus quorū duo ad basim siti reliquis maiores. — Labium inerme, duplo fere latius quam longius. Sternum 2,2 mm. longum et latum, in medio latissimum, pilis

erectis nigris tectum et utrimque sigillis ornatum binis submarginalibus, in dimidio posteriore sitis. — Maxillae fortiter oblique dispositi margine interiore-antico albido pilis longis rufis ornato; maxillarum angulus posticus retro insigniter productus, rotundatus; anguli interioris margo posterior spinulis 5 armatus.

Palporum pars femoralis compressa, intus concava, extus convexa, pilis tecta, ad apicem aculeo unico armata, lineis glabris notata, — unicā obliquā in latere exteriore et duabus supra sitis; pars patellaris 1,5 mm. longa, 0,9 mm. lata; pars tibialis 1,8 mm. longa, 0,7 mm. lata, in latere interiore aculeo 1 et subter 2. 2. 3 armata; pars tarsalis 1,5 mm. longa, dense scopolata, subter aculeis 3. 3. 2 armata, apice ungue unico, intus dentato, ornato.

Femora I. et II. supra ad basim aculeo 1 et ad apicem intus aculeo 1 armata. Tibiae I. et II. subter utrimque 1. 1. et in apice 3; praeterea tibiae II. in latere antico 1. 1.; metatarsi I. et II. subter utrimque 1. 1. 1, praeterea metatarsi II. antice 1. ornati. Tarsi I. et II. toti et metatarsi I. et II. in partibus apicalibus, praesertim antice scopolati. — Femora III. supra 1. 1; patellae III. utrimque 1, tibiae III. supra ad basim 1, utrimque 1. 1, subter 2. 2 et in apice 3; metatarsi III. supra 1. 1, utrimque 1. 1. 1, subter 2. 2. 2 et in apice 3. — Femora IV. supra 1. 1; tibiae IV. supra ad basim 1, antice 1. 1, pone 1. 1. 1, subter 2. 1 et in apice 3; metatarsi IV. supra 2. 2, antice 1. 1. 1, postice 1. 1. 1. 1, subter ad latus anticu 1. 1. 1, subter ad latus posticum 1. 1. 1, subter ad basim 1. 1 et in apice 3. armati. — Tarsorum unguis superiores serie duplii dentium muniti.

Abdomen 6,1 mm. longum, 4,1 mm. latum. Mamillae superiores 1,7 mm. longae, inter se spatio latitudine suā majore remotae. Mamillae inferiores 0,5 mm. longae inter se spatio longitudine earum minore remotae. Tuberculum anale triangulare apice rotundato.

Cephalothorax rufus, mandibulae ferrugineae, maxillae, sternum, pedes et palpi flavidi. Abdomen coccineum, mamillae flavidæ.

*Mas ignotus*. — *Patria*. Transcaucasia occidentalis, ad Mare Ponticum, Chosta; 1 feminam et 1 juvenem VIII. 1928. S. Spasskaja legunt; 1 femina — Batum, 1909.

#### *Brachythele Birulai* n. sp.

*Mas*. Cephalothorax 4,7 mm. longus, 3,8 mm. latus, fronte 2,5 mm. latâ, circiter in  $\frac{8}{13}$  longitudinis latissimus, antice subito coarctatus, tum late truncatus angulis subrotundatis, postice late emarginatus, fovea profundâ, vix recurvâ, in parte latissimâ sitâ munitus, pube longâ albidâ adpressâ tectus et pilis erectis nigro-fuscis in margine, praesertim in dimidio posteriore sitis, ornatus. — Pars cephalica insigniter elevata, a foveâ gradatim ascendens, impressionibus cephalicis limitata; pars thoracica humilis, utrimque impressionibus binis, parum expressis, notata.

Area oculorum fere tota nigra, 1,2 mm lata, 0,8 mm. longa. Oculorum anticorum margines antici lineam fere rectam, margines po-

stici lineam valde recurvam designant. Oculi antici medii in tubere nigro dispositi, subrotundi, nigri, diametro sescuplo fere minore quam diameter major oculorum lateralium; intervallum oculorum mediorum diametro fere aequale; spatium quo oculi medii a lateralibus anticis remoti diametro mediorum minus. Oculi laterales antici reliquias majores, oblongi, pallidi, a margine clypei ca.  $\frac{4}{5}$  diametri majoris distant. Oculorum series posterior anteriori fere aequalis; marginibus anticis et posticis lineam vix recurvam designantibus; oculi postici fere aequales, pallidi; medii inter se circiter triplâ diametro suâ majore, a lateralibus posticis ca.  $\frac{1}{6}$  diametri majoris, aº anticis mediis ca.  $\frac{2}{3}$  et ab anticis lateralibus ca.  $\frac{5}{6}$  diametri majoris distant. Intervallum minimum inter oculum lateralem anticum et lateralem posticum ca.  $\frac{1}{6}$  diametri majoris oculi lateralis antici aequale.

Mandibulae desuper visae 1,7 mm. longae, basi conjunctum 2,2 mm. latae, dorso in longitudinem convexo, supra et antice ad latus interius pilis ornato, apice antice pilis duris rectis, regulariter dispositis munito. Sulcus unguicularis in margine exteriore dense longe pilosus et in dimidio basali denticulis nonnullis in seriem longitudinalem dispositis ornatus; sulci margo interior dentibus 7 armatus. — Labium inerme, fere semicirculare, duplo latius quam longius. Sternum 2,4 mm. longum, 2 mm. latum, in parte posteriore latissimum. — Maxillae margine interiore longe piloso, angulo postico interiore spinulis nigris sat numerosis (ca. 23) armato.

Palporum (fig. 2) pars femoralis longa, compressa, extus convexa, intus concava in longitudinem, supra ad apicem aculeis nonnullis, subter ad latus exteriis pilis et ad apicem setis aculeiformibus 3—4 armata. Pars patellaris 1,4 m. longa, duplo longior quam latior. Pars tibialis desuper visa 2,3 mm. longa, ad basim in parte latissimâ 0,7 mm. lata, apicem versus aequabiliter angustata, a latere visa supra vix, — subter sat fortiter arcuata in longitudinem, ad apicem intus aculeis 1. 1, extus 1, subter setis aculeiformibus numerosis, valde longis instructa. Pars tarsalis 1 mm. longa, in parte latissimâ 0,7 mm. lata, formâ irregulari, basi coarctatâ, supra ad apicem aculeis paucis brevibus armata, margine apicali ad latus interius incisurâ sat profundâ notato. Bulbus pyriformis, brevis, spinâ longâ, extus et paullum retro curvatâ munitus; bulbi latitudo 0,6 mm., longitudo — spinâ inclusâ — 1,4 mm.

Pedum omnium coxa et partes trochantericae supra in apice pilis duris erectis ornatae. — Femora armata: I. II. et III. supra 1. 1. 1, supra ad latus anticu 1. 1. 1, ad latus posticum 1. 1; IV. — supra 1. 1. 1. 1, supra ad latus anticu 1. 1, ad latus posticum 1. 1. 1; subter femora, praesertim posteriora, setis longis, numerosis, aculeiformibus armata. — Patellae ornatae: I. et II. antice in dimidio apicali 1, III. antice 1. 1. 1, IV. — inermes. — Tibiae armatae: I. antice 1. 1. 1, inferius ad basim 1 et in apice 1, subter ad basim 2, subter ad latus posticum 1. 1. 1, aculeo apicali crasso apice sur-

sum curvato, postice ad medium 1; II. antice 1. 1. 1, subter ad latus posticum 1. 1 et in apice 2; III. supra ad basim 1., in latere utroque 1. 1. 1, subter ad latus posticum 1. 1 et in apice 2; IV. antice ad medium 1, postice 1. 1. 1, subter ad latus posticum 1. 1 et in apice 2.— Metatarsi armati: I. antice 1. 1. 1, subter ad latus posticum 1. 1 et in apice 3; II. — antice 1. 1. 1, subter ad latus posticum 1. 1, et in apice 3; III. — antice 1. 1. 1, supra ad latus anticum 1, ad latus posticum 1. 1, supra ad apicem 2, subter ad latus anticum 1, subter ad latus posticum 1. 1 et in apice 2; IV. — antice 1. 1. 1. 1, supra ad latus anticum 1, ad latus posticum 1. 1, supra ad apicem 2, subter ad latus anticum 1. 1, ad latus posticum 1 et in apice 2.— Tarsi I. et II. inermes; tarsi III. et IV. antice in dimidio apicali aculeo 1 armati. — Tarsi I., II. et III. toti, metatarsi I. et II. in dimidio apicali solum scopulâ ornati parum expressâ; scopula in metatarsis III. vix distincta. — Tarsorum unguis superiores serie duplci dentium muniti.

Abdomen 4,5 mm. longum, 2,8 mm. latum. Mamillae superiores 1,8 mm. longae, inter se spatio longitudini suae fere aequali remotae. Mamillae inferiores 0,4 mm. longae, inter se spatio earum longitudine minore remotae. Tuberculum anale sat longum, fere triangulare, apice rotundato.

Cephalothorax flavidus impressionibus cephalicis plus minusve ferrugineis. Mandibulae ferrugineae. Maxillae, pedes, sternum et palpi tarsi exclusis flavidi; palporum tarsi fulvi; bulbus fulvus, receptaculum seminis cinnabarinum. Abdomen supra, praesertim ad basim, pilis numerosis nigris erectis tectum, supra fere testaceum, maculâ longitudinali coccineâ formâ irregulari et in parte posticâ arcubus coccineis 5 interruptis ornatum; venter flavidum; maxillae testaceae.

Femina ignota. — Patria. Turkmenistan. Serachs, Agartschishme. Marem unicum 26. IV. 1936. sub lapidibus L. Freiberg legit. Speciem hanc in honorem Cel. Doctoris A. Birula denominavi.

#### *Brachythele Redikorzevi* n. sp.

Mas. Cephalothorax 6,1 mm. longus, 5,3 mm. latus, fronte 1,5 mm. latâ, circiter in  $\frac{1}{2}$  longitudinis latissimus, antice subito coarctatus, tum late truncatus angulis rotundatis, postice leviter late emarginatus, pube longâ albidâ adpressâ tectus et in margine, praesertim in dimidio posteriore, pilis ornatus. Fovea media profunda, fere transversa, in  $\frac{2}{3}$  longitudinis cephalothoracis sita. — Pars cephalica, a foveâ vix ascendens, impressionibus cephalicis limitata; pars thoracica humilis, utrimque impressionibus binis, parum expressis, notata.

Area oculorum maculâ nigrâ latâ ornata, 1,1 mm. lata, 0,6 mm. longa. Oculorum anticorum margines antici lineam procurvam, margines postici lineam rectam designant. Oculi medii antici, in

tubere humili, nigro siti, nigri, subrotundi, diametro secuplo fere minore quam diameter major oculorum lateralium; intervallum oculorum mediorum diametro eorum minus. Spatium quo oculi medii a lateralibus anticis remoti diametro mediorum minus. Oculi laterales antici reliquis maiores, oblongi, pallidi, a margine clypei ca.  $\frac{1}{2}$  diametri majoris remoti. — Oculorum series posterior anteriori fere aequalis, recurva. Oculi seriei posterioris fere aequales, pallidi, medii inter se circiter duplâ diametro suâ majore, a lateralibus posticis ca.  $\frac{1}{5}$  diametri majoris, ab anticis mediis ca.  $\frac{2}{5}$  et ab anticis lateralibus ca.  $\frac{3}{5}$  diametri majoris remoti. Intervallum minimum inter oculum lateralem anticum et lateralem posticum ca.  $\frac{1}{2}$  diametri majoris oculi lateralis antici aequale.

Mandibulae desuper visae 1,8 mm. longae, basi conjunctim 2,5 mm. latae, dorso in longitudinem fortiter convexo, pilis densis tecto; ad latus mandibulae exterius area triangularis, fere glabra sita. Sulcus unguicularis in margine exteriore dense longe pilosus et ad basim denticulis 4, in seriem longitudinalem dispositis, ornatus; sulci margo interior dentibus 11 armatus quorum 4, ad basim siti, reliquis insigniter maiores. — Labium duplo fere latius quam longius, inerme. Sternum 2,9 mm. longum, 2,4 mm. latum, in medio fere latissimum, utrumque sigillis binis submarginalibus, in dimidio posteriore sitis, ornatum. Maxillae margo interior albidus, longe pilosus angulo postico interiore spinulis nigris numerosis (ca. 29) armato.

Palporum (fig. 3) pars femoralis longa, compressa, extus convexa, intus concava in longitudinem, supra in dimidio apicali aculeis 7, subter — praesertim ad latus exterius — pilis longis ornata. Pars patellaris 2 mm. longa, 0,7 mm. lata, in latere interiore aculeis 1. 1. 1, in latere exteriore — 1 armata. Pars tibialis desuper visa 2,8 mm. longa, 0,7 mm. lata, recta, fere teres, supra aculeis 1. 1, ad apicem ad latus exterius 1. 2, in latere interiore 1. 1. 1, subter utrumque aculeis fortibus 1. 1. 1 et ad apicem subter 1 ornata. Pars tarsalis brevis, 1 mm. longa, formâ irregulari, a latere visa apicem versus dilatata, dense pilis longis — prasertim ad apicem — tecta, in apice aculeis rectis 5 armata. Bulbus pyriformis, spinâ inclusâ 1,2 mm. longa, a latere visa 0,6 mm. lata; spina sat lata, valde compressa, apice in unguem foras et retro curvatum producta.

Pedum omnium coxae et partes trochantericae supra in apice pilis duris ornatae, Femora omnia armata: supra 1. 1. 1. 1, in dimidio apicali in latere antico 1. 1. 1; praeterea I., III. et IV. supra ad latus posticum 1. 1. 1. 1, II. — 1. 1. Patellae armatae: I. antice 1. 1, inferius 1 et subter 1; II. antice 1. 1; III. et IV. antice 1. 1 et postice 1. — Tibiae ornatae: I. antice et postice 1. 1, subter 2. 1 et subter ad latus posticum aculeis 1. 1. 1 quorum aculei duo, ad apicem siti, reliquis robustiores et leviter curvati; II. antice 1. 1. 1, subter 1. 1, subter ad latus posticum 1. 1. 1 et in apice 3; III. — supra 1. 1, utrumque 1. 1. 1 et subter 2. 2. 3; IV. — supra 1. 1, utrumque 1. 1. 1 et

subter 3. 2. 3. — Metatarsi armati: I., leviter curvati, subter in apice 2; II. — antice 1 et subter 2. 2. 2; III. — supra 1. 1. 1, utrimque 1. 1. 1 et subter 2. 2. 2. 3; IV. supra 1. 1, antice 1. 1. 1. 1, postice 1. 1. 1 et subter 2. 2. 2. 2. — Tarsi aculeis carentes, toti scopulâ tecti; metatarsi I. et II. in dimidio apicali solum scopulâ ornati. Tarsorum unguis superiores serie dupli dentium muniti.

Abdomen 8 mm. longum, 6 mm. latum. Mamillae superiores quadriarticulatae, 3,5 mm. longae, inter se spatio longitudini articuli tertii fere aequali remotae, articulo apicali reliquis majore, articulo basali oblique truncato et intus solum conspicuo; mamillae inferiores 0,6 mm. longae. Tuberculum anale triangulare apice rotundato.

Cephalothorax, mandibulae, maxillae, sternum, pedes et palpi rufi; bulbi receptaculum seminis ferrugineum. Abdomen supra et subter testaceum, supra macula coccinea diffusa et in dimidio postico arcibus 5 parum expressis, coccineis ornatum. Mamillae testaceae.

Femina ignota. — Patria. Turkmenistan. Serachs, Agartschishme. Marem unicum 26. IV. 1936. sub lapidibus L. Freiberg legit. Speciem hanc in honorem Cel. Doctoris V. Redikorzev de-nominavi.

## Descrizione di un nuovo genere di Pteromalini (Hymen. Chalcididae) con note sui generi affini al Catolaccus Thoms.

Per  
Luigi Masi (Genova).

In una raccolta di Calcidi inviatami l'anno scorso dal Dott. P. Régnier, residente a Rabat, nel Marocco, e Capo del Servizio governativo per la difesa delle piante, ho trovato alcuni esemplari di un parassita della *Dicranura vinula*, che descriverò qui appresso e che ritengo che appartengano ad un genere nuovo. Le mandibole ambedue 4-dentate, le anche posteriori sfornite di setole alla base, l'aspetto generale d'ambo i sessi, fanno riferire questo parassita alla sottotribù *Pteromalina* (secondo il «Genera Insectorum»); e credo che si tratti di un genere affine al *Pseudocatolaccus mihi*<sup>1)</sup>.

<sup>1)</sup> Boll. Labor. Zool. gen. e agr. Portici, III 1908, p. 138—142, fig. (P. asphondyliae). — Boll. Labor. Zool. gen. e agr. Portici, V 1911, p. 205—208 (P. Strandii).